

天方至聖實錄

天方至聖寶錄卷之三

年譜

初娠

神靈告孕

帝座垂光

聖父升遐

聖母夢頌

預覽尊名

臨產

仙樂鳴空

靈禽摩腹

天漿止渴

靈雲罩體

仙女臨宮

神童繞室

萬國呈彩

八方樹幟

聖誕

叩首指天

金瓶浴體

綠錦衣身

執印取鑰

遊天識聖

天神開乳

聖祖叩庭 活佛悲泣 諸山告靈

白鳥覆室 天神朝參 獻庭額庇

宴賀驚名 觀星識聖 灑渥海竭

夷火息 啟思王宮闕震 二氏同夢

象兵傷

初生

乳於哈煙默 百鳥來朝 諸神呵護

竭奶流乳 蹇駝壯 白光護體

綠衣守榻 絕戲 學牧 領主知名

不露體 過處留香 夢領真言

靈鳥潛身 白雲覆頂

三歲 止乳

三歲 剖腹 卜土驚奇 配賢補白克爾生

四歲 歸養於母 活佛投誠 瘟疫除 饑

僅革

五歲 避古來氏市害

六歲 隨母默底納省親 習射瀉

七歲 還盟克 母卒 養於祖爾卜篤募托

吏部 求雨 賽福王卽位聖祖往賀

賽福王薨

八歲

聖祖卒 養於叔額卜他吏部 同食

識異 賜地得泉 不臨祭賽不入佛

室不食祭肉 立志闢佛 哈探卒

啟思王薨子許而曼立

九歲

從叔賈沙牧

十歲

剖腹

十一歲

南查爾王戰於歐喀澤

十二歲

從叔賈沙牧

十三歲

十四歲

十五歲

十六歲

十七歲

十八歲

十九歲

二十歲

二十一歲

從叔賈沙牧

卜海刺宴聖

二十二歲

古來氏議修克而白

二十三歲

古來氏貴誓 夢神攪腹

二十四歲

二十五歲

自賈沙牧 娶哈底徹氏

二十六歲

二十七歲

二十八歲

二十九歲

天下毀淫祠佛像

三十歲

三十一歲

配賢爾里生

三十二歲

三十三歲

三十四歲

三十五歲

女法土默生

修克爾白

栽德

卒

三十六歲

三十七歲

三十八歲

聞天語 見光

三十九歲

四十歲

四十一歲為聖元年

受天命即聖位

羣靈

稱賀

天神扈從

散財

始受天經

天神降

始道色闡

始念阿旻

始沐浴禮拜

赫底徹皈依聖教

額

補白克爾歐墨爾歐思茫爾里祖杯爾

等十二人皈依聖教

四十二歲為聖二年

四譯表賀貢方物

魯

密王表賀 啟思王欲兵 以疾止

赤泥帝使至聖遣賽爾弟幹歌士等四

人入中國

四十三歲爲聖二年 啟思王死 它邑府禁

佛事

四十四歲爲聖四年 顯揚教化墨克士民多

順之 二氏人心服身違 古來民歸

順復叛 諸叔毀傷 族人請和 二

氏人賄它吏部害聖不納逐之 二氏

謀亂 渥爾格卒

四十五歲爲聖五年 命士遷海北涉 古來

氏尊聖爲王固辭不受仇焉 二氏爲

亂羣兇肆惡聖以正克之 命士再遷

海北涉遷者九十一人 二氏使使賄

海北王臣毀穆士叛王親勘之逐二氏

使居穆士給養之 海北屬國以兵犯

闕聖遣祖杯爾救援大敗之 磬北納

浙諸國叛海北王親統水師伐之順

古來氏獻麗童海北王族之窮島
米葉皈依聖教爲厄卜折害害爲聖教
中第一舍希德

四十六歲爲聖六年 韓澤欣默爾順 歐墨

爾請建寺造臺后赫底徹出財成之

始赴寺禮拜 始登臺勸諭 補自寬

爾遭擊其母順教 歐墨爾擊惡少耳

體白剗其目 弟子請設儀衛不准

厄卜折害力毀聖 逆黨逞兇天神告

慰

四十七歲爲聖七年

敖士與黑子而直戰

四十八歲爲聖八年

古來氏連約絕聖與暗

申人絕交

法而西師侵魯密師歸魯

密返討法而西大勝之

四十九歲爲聖九年

蠹食約書毀約順教者

大半

五十歲爲聖十年

額一他吏部卒

后赫底

徹卒

厄卜折害護聖二氏陵之叛

教宅邑府被擊 教神納黑勒 教於
塞基府被擊 教於欽德克爾部昨作
法諸國俱不順順者僅查秘爾一人
教神寧注 納鎖德氏 補白克爾以
女阿以涉進受命納之

五十一歲爲聖十一年 黑子而直順 遣弟
子教默底納通國欣順 始立輔士十
二人

五十二歲爲聖十二年 登霄 始定五時禮

制 始禮衛武爾拜 始定約法邊疆
爾索卜傳教默底納

五十三歲爲聖十三年 墨克所屬郡邑會盟
於墨克 命士遷默底納徒衆先行聖
人俟命

五十四歲遷都元年 逆人謀害 受命遷默
底納補白克爾從之 匿牛洞乳鴿守
洞蛛網攔門 至默底納購地建寺造
宮室 始吹元遷都元年以補白克爾

歐思茫歐墨爾爾里爲四配韓澤等國
十五人爲輔士爾牧爾等一百五十人
爲遷士畢喇勒等一百五十人爲侍從
以蘇爾肋白額美德翟合爾三人爲
默底納都掌 命諸士結盟互受家財
命宰篤默克取耆屬 始復聚禮
定制 增居人之禮二拜 百王來
四譯表賀 易卜尼色刺目率弟子七
百衆入教海泊遜順法而西墨宋士

里茫投順 阿以涉成禮 詭狠言

姪神滅 盟首白樂屋額思二弟卒

遷士庫立蘇木卒 墨克二氏長阿孫

惺里得死

五十五歲遷都二年 什日齋 受命以法

土默妻爾里 遣哈哲氏子治色里葉

哈得罪 更向克爾白 改建寺宇

始宣禮 始定齋制 始定天課制開

齋儀 始定開齋會禮 始受命征伐

百德里征 厄卜折害力死 阮

氏首逆二十四人 爾巴士順 額卜

立阿逃納贖聖女宰納卜還 聖女盧

靴業卒 逆首厄卜折害死 歐浼爾

拔順 朱乎得婦譏聖歐浼爾誅之

革朋友受家財法 法而西寇魯密大

敗還 改尼閣克之 始定羸財五一

之制 始定禋祀會禮 忒爾薩教首

烏羅兒死

五十六歲遷都三年

蘇福揚兵寇默底納聖

命士擊之於色威格敗還誅奸逆克

爾卜

納哈甫級以女韞母庫立蘇木

妻歐思茫

蘇福揚寇默底納聖以師

擊之於吳侯地山

韓澤陣亡

始賓

禮

祭號哭

爾里子哈參生

寒喇

厄卜二賊亂誅平之

五十七歲遷都四年

阿密爾教於木徹渥以

九十上勝二千兵逆首遁平之

定丁

賦則例 遣祖杯爾討朔支兒平之

二氏以三十學人講理於祖合不勝退

兵聖以師困之邑人降二氏人入爲奴

爾里子侯辛生 蘇福揚三寇默底

納聖以師擊之於百德里蘇遁 立軍

市 命宰篤考訂書法 頒五誥 制

入刑 禁酒 磔奸 誅盜 后宰制

卜卒 娶蕃德氏 擊蘇爾勒白於魯

閣兒 始禮畏拜 魯閣市駝

五十八歲遷都五年

墨里塞征納白里塞

始忒晏捫

教士與黑子而直戰聖

爲和之教士順

刑誣

娶哈魯氏女

阿漢雜部征

二氏會七國兵以蘇

福揚爲總統大將軍領兵十萬分七路

寇默底納

開壕

三教學人五百衆

會來辯理屈

海一說克爾卜反約却

之

災僅

奸人叛

納恩行間誅

奸逆二本兒等七人

額主却敵七國

軍宵遁蘇福揚逃歸二氏學人盡入爲
奴古來氏作亂平之克爾卜投誠
蘇爾勒白額西德順賽爾弟卜尼
默阿子卒喇哈納入侍始定朝覲
爲天命

五十九歲遷都六年六合洋征省親墓

代明北祈雨以二不獨伐喇費爾
獨行刺平之誅歐噠納奸細八人
侯代比葉征古來氏求和與盟來

朝覲

額卜納錐爾順教入海成聚

造印寶

遣六士教化六國 納馬里

葉

墨克格思貢

魯密帝御製聖教

頒進

耶滿王率所屬國八王順法

爾西王率所屬國十六王順納查氏

王順遣子率六百人貢表謝聖貢方物

哈立思王貢

扈德王順教士犯

誓聖給麥代贖

次母魯馬尼率額

卜胡來勒順教

六十歲遷都七年 海北邇征 以一卜厄者

渦合掌分割地土事 納鎖斐葉 漢

查直順 逆進毒羊 失晨拜 日落

復升 娶繼母哈比白 朝覲 娶買

母納

六十一歲遷都八年 古來氏長三人販依羅

教 左哈克以女進却之 造謠臺

伐卯貳 掠古來氏財貨 古來氏

納法色戰勝黑咱爾戰勝 蘇福揚

和不准 開墨克 蘇福揚順 逆

氏於遠域 聖親掃禁庭除佛像 會

盟申約 毀佛宇 伐花津 賞窮民

朝觀 分羸 花津歸服 以爾乞勒

墨掌花津稅賦 花津守將馬立克順

伐它呂府 聖子易卜喇欣生 墳

阿肅歸服 長女宰納卜卒 渥合氏

投順

六十二歲遷都九年

忒米木人文戰不勝順

四境歸服以畢刺勒掌優禮四譯
朝貢遠譯向化宅邑府以二氏頭
目十三人投順補喀爾氏太乙氏自
耶滿來朝以哈立德征收黑咱兒稅
賦建寺宇僻居一月忒遁克征
密王以臣國請興十萬師伐默底納
以三萬師迎於忒遁克魯密王欲順
諸臣國不可相距兩月不戰而還
風祈雨歸駝沐水注泉

金集

啖棗 爲士祈功 誅刺 遺計取

鄂昂墨順封其國 諭賞赦罪發姦

江北涉南查氏王薨 聖女韜 立

蘇木卒 命補白克朝覲宣約 毀如

喇勒寺逆首阿時兒死 尊 孫

阿卜都卒 色魯直子卒 黑 直

通國順

六十三歲遷都十年 使哈立德教納耶順封

其國以二木爾掌教典管稅賦 聖子

易卜喇欣卒

下桑阿畜邇二國來朝

墨爾地王來朝

二卜渡陔士等四

國來朝

來哈溫等四國來朝

艾細

居瓦郎二邑耶滿王率屬國七王來朝

賽里茫王率諸屬國來朝

額子德

王率諸屬國來朝

墨哈爾部主歸服

欣都帝率所屬國十二王來朝

密帝遣使問爲王暨革除答之

立等三人以謀逆誅

捕盜還財

達爾朝定朝儀 斷血 吉兒證聖

魯密眾臣費爾挂服教逮獄二氏謀殺

耶滿王把臧薨命世子舍合爾襲位

以阿密爾等五人爲輔以宰鴉德總攝

政事差墨阿子傳經訓禮 古喇爾王

順

六十四歲遷都十一年

密速爾帝遣使來朝

問爲帝王之道 赤尼帝使至復遣賽

爾弟幹歌士以經教東 法而西帝卒

屬國數十王來朝請訓授帝王箴 一
拂里格王來朝問造化根原歷代因革
納黑爾王率臣民來朝 爲北溝通
人告赦 厄斯几殺耶滿王奪其后妻
羅聖檄納查氏韓當二國伐之 毋瀝
勒亂命哈你法氏以師伐之 命伍羅
聖征魯密 不豫釋奴婢四十人 盡
散所有 賜 取賞 爲衆告赦 命
額補白克爾攝理政教

三月十二日午時終 額補白克爾襲聖位

以一卜尼默思歐弟掌喪禮 塋默

底納寢宮 斐羅殺厄斯兀耶滿平

幹合氏誅母灑勒蘇馬陌平 伍龍盛

伐安上誅其逆俘其男女還

大方至聖實錄卷之三終

大方至聖實錄卷之四

孕產奇徵

初娠

神聖告孕

聖母額美姍甫懷聖。天地神祇飛走生靈皆
互相告語曰。至聖穆罕默德授孕矣。天下從
此安寧。世界從此光明矣。一切水族皆昂首
向空作感謝狀曰。時至矣。天下有燈矣。凡阿
爾壁之一切戶族莫不先覺聖母之懷聖。

帝座垂光

是日各國帝王寶座皆作一道毫光垂地拱向墨克若臣子之拱向帝闕者

聖父升遐

聖祖知聖孕已懷諭聖父曰汝知萬年棗之
平對曰未也曰默底納有棗可鮮可乾可
果可饌啖一枚數日不飢能療一切疾痛乾
者大如鷄子名萬年棗他國所無今汝聖子
方娠合往取之以預母子之需貨之亦甚得

聖母夢頌

利也。聖父應命而往。殂于途。故聖爲遺腹子。
聖母旣娠。人嘗問之曰。汝孕乎。曰。不知也。蓋
受孕數月。其腹不起。苦未孕然。至臨產之月。
腹雖起。亦不覺累重。如飽食。然嘗夢中。人問
之曰。爾孕矣。答曰。未也。其人爲之頌曰。天地
之珍。在爾懷。萬物之寶。在爾腹。人神領袖。聖
帝元尊。愛之者。天愛之。惡之者。天惡之。吾其
圖維於發育。爾其告庇於真主。聖母默識之。

告於聖祖祖曰隱隱

頂覺尊名

聖母嘗於醒中夢中聞人呼穆罕默德一日
夢見各國帝王來朝穆罕默德不知爲誰班
中一人指曰爾懷穆罕默德也一日坐室忽
聞空中有聲曰汝子當名穆罕默德其墨克
遠近童謠曰一人之生萬人之慶魔鬼潛跡
天下太平聖祖曰人皆尚我爾孫穆罕默德
生乎吾卽以此名此子正所謂順天應人也

臨產

仙樂鳴空

聖母初覺腹動，聞虛空有妙音，清新嘹亮，不
風而和鳴，婉轉非簫管而節奏清高，蓋聖
母平生僅此一胎耳。臨時不免憂恐，聞此則
自覺心曠神怡矣。

聖母摩腹

時有白鳥飛入，以翅摩其腹，不覺纖毫產痛。
大槩止渴。

時聖母覺渴室中絕無一人忽案有銀盞盛
白湯乳飲之渴止甘香異常

雲光罩體

聖母獨坐自覺欲產時無人至又畏人見忽
一道白光自腹中出罩定全身使人不見其
產

仙女臨宮

忽見若許少壯婦女環立於傍若拱拜狀不
知所自來自覺身重汗流如水麝香

背倚蒲
婦產婦

神童繞室

將產之際、七千天神顯童子相、各執金瓶、口頌聖德、環繞室外、以防衛之、恐有邪魔窺視、不容入也、

萬國呈形

當產之時、聖母忽見宮室皆捲上下四方、豁然光明、而光中現出萬國帝王宮闈環抱之、若星宿之拱月者、

八方樹幟

時見高陵大國皆插光明旗猷盈滿八方錦爲身赤寶爲竿上書清真之言又無數金鳥綠喙赤足飛翔上下

聖

指天

聖初生右手掩目左手遮羞落地卽作叩頭狀有聲曰問然提問然提如云我之教生也我之教生也擡首以手指天無語言○此聖人初生之感應也右手掩目不見母也左手

掩羞不使母見也叩首顯爲奴之禮指天示
有主之義也當此之世天下惟知拜佛不知
有主故以此示之

沐浴體

有天神三衆一執金瓶貯天露爲之洗浴
七次凡七易瓶一執光明巾拭之

衣身

浴畢有神鳥展翅覆之良久又數神以美香
拭體以綠錦衣之

遊天識聖

羣神賀畢，忽白雲一片飛入，將聖畏去，遊歷諸天，每至一聖位，互相取認，直升至九霄之上，萬有之機微，一真之妙義，暨無所不有之學，皆貫於心胸焉。此聖人第一次米而直也。

執卽取鑰

時有無數天神下降，內三神各執一盤，一執金盤，滿貯珠寶，一執綠寶盤，赤錦幅托置聖

印一洗紅寶盤綠錦幅托無數鑰匙俱置座
前聖右手取印左手取鑰弗顧珠寶羣神
齊俯伏賀曰若子生天地皆歸其執掌矣萬
聖皆入其旗下矣

天神開乳

聖母不見聖者一日第二日忽天神抱聖至
口口相對若鳥哺雛狀聖以手摸其頸如飲
不厭者然

聖祖叩庭

初聖祖見聖母將產遂潔已沐浴往禱於克而白見克而白忽顯人形似叩頭狀作聲曰今後吾得洗佛像之污矣○按墨克風俗凡人家生產恐其艱難則其夫額於克而白叩其門環以禱安焉此聖祖叩庭之意也

沽佛驚泣

時克而白有沽佛名虎白力忽倒身座下頭搖身慄言曰吾不能爲用矣見聖祖至且哀且泣曰世界皆歸爾孫執掌矣慈雲降枯樹

生榮矣。聖祖見之大駭曰：「若子之生，有如是奇異耶？」

諸山告靈

聖祖禱畢，復次補生。哈山經索法山，山忽起，離地數尺，墨爾薩山搖動，空中有聲，云：「叮，飾白何憂何慮，天地之富貴歸爾矣。」

白鳥棲室

聖祖由叩庭朝山歸來，已晚，見大白鳥展翅覆室，白雲封戶，不得入，旋見墨克諸山光朗。

照耀如白日。門坐達旦。入見聖母安然獨坐。
蓋自產至此已三日。並無一人至。亦無一人
知。聖母亦惟恍惚。不知已逾三日也。聖祖問
曰。生乎。對曰。生矣。述其所見之異。聖祖愕然。
亦道其於克而白諸山所見。聖母曰。若子如
此。吾曷能養之。

大神朝參

聖祖入室時。並未見子。與聖母言畢。忽見聖
祖坐榻上。以食指納口中。若啖乳狀。將欲抱

之忽聞空中有聲曰止候天神朝參時九天
七地神祇俱集一室參謁聖貌神不覺室小
而各自立位猶覺其寬容室亦不覺神衆俱
聚集包容而猶覺有餘地也

人然完潔

聖初生眉橫一字面如滿月廣額大耳隆準
俊目髮鬢清疎體如常沐香膏臍自斷損指
割聖祖曰必非凡人也惟主修之潔之

獻庭額庇

聖祖見聖品貌徵奇。偕聖母抱聖獻於克爾
白臺前。祝曰。主也。主也。主也。感真主大恩。予予貴
子。法體清淨。生相完潔。俾予奴婢中心歡悅。
主也。主也。俾若子安逸。若厥禁庭。俾若子尊
顯。若厥天日。彼多亂民。仇之妬之。惟吾真主
保之佑之。

宴賀驚名

聖祖見聖奇徵異貌。欲以語人。其口忽吃。不
能爲言。七日方解。合城官民來賀聖祖。宰

大宴賓客。問其名曰穆罕默德。咸駭異之。曰。從古無此名也。有二氏學人驚曰。此末世聖人。方可名也。然心中已默識其爲末世聖人矣。觀其動靜。並生年日月。與古經所言無不符合。但口弗言。而心不順也。

觀星識聖

時有沙牧王臣夜觀乾象。見異星占之。末世聖人應出也。○納查世王見異星。知聖之生。遣使來賀獻寶物。○時有朱乎得見異星。遣

大呼曰末世聖人之星升矣此人生吾人無
寧暑矣默底納有廉士哈之曰果是聖人安
逸無事矣何復無寧暑○墨克有朱乎得見
異星特來聖祖前曰君有喜請曰我聖祖曰
生孫矣曰請問何名曰名穆罕默德朱乎得
驚曰三証俱定復何疑哉蓋謂古經載言末
世聖人有三証一星現二名穆罕默德三生
於貴冑之家也

渥渥海竭

灑渥乃中海之一巨浸海出衆流若正道之
有旁途也流竭是衆流歸海之意示衆道之
歸於一道也舉灑渥流之大者舉衆流矣
與火息

四裔多拜火者凡拜必先舉火聖誕之日凡
舉火俱不熾或有熾者旋熾旋息皆驚訝之
不知其爲聖光厭之矣

啟思王宮闕震

啟思王無道之君也當聖人受命之世諸國

帝王無不臣服或奉教或納款惟敬思至不
服必致天誅宮闕俱震先徵也墻崩殿榻凡
十四處

二氏同夢

時二氏之學人多夢壯駝肥馬無數由底直
河散牧於各方直達法而西諸國晨起互相
問占皆同甚異之占者曰將有大人出於我
地其教化播於四方但大不利於朱乎得特
商撒也

原缺

任爲之厄。卜爾因盡還其駝聖祖歸登諸臘山。祝曰主也。厄卜爾不自諒而欲毀主室。惟主能抑其強止其惡。如其逞兇而肆欲主其乘機而殄滅。俄見許多水鳥飛空各抱三石。一兩足各一兩向敵營拋之。三日不見象兵動靜。差人覘之人象俱死。每象身一小孔內如蛙葉。棠蕤軍卒亦然。滿地小石子如菰豆。聖祖親往視之曰。此天兵傷之也。據厄卜爾尸不將訪之。乃知厄卜爾獨脫歸國告於納查氏。

畢忽一小鳥脚一石子飛至將厄卜爾亦打死惟墨台謨第象兵一百歸國

以象紀年

聖人生於傷象兵之日阿而璧遂以象紀年曰飛歷元年飛歷此言象也而學者只知其生於傷象兵之年未考也誌者曰象兵傷於聖誕之時豈聖人特爲傷象而生耶

是歲象兵有二次一卽厄卜爾向墨克者一納查氏王親統往耶滿者納查氏王差

官阿密爾往耶滿公幹久不歸復差官往督之並問其罪遂被殺王怒誓曰必傾阿密爾之血足踏耶滿之城因盡發衆兵往攻耶滿耶滿王聞之懼曰耶滿小國何當大兵此阿密爾遺禍也可拏阿密爾禦之阿密爾能畧善說說王曰遠人殺伏於上國上國不能衛將畏大兵乎真主不罪無罪之人納查氏其如王何王請行仁義庶臣臣請爲王保國王曰計將安出阿密爾

對曰臣自計之乃刺己身之血貯玻璃餅
啟城頭之士貯布袋遣二謀士逆納查氏
於途曰王之臣自相殺於耶滿耶滿無罪
也王如有誓必傾其血其血已賁至此請
王傾之如有誓必踏其城城土亦賁至此
請王踏之則兩誓俱酬無煩勞兵動衆並
傷無罪之耶滿矣王喜其計之美言之婉
遂還

天方至聖寶錄卷之四終

天方至聖實錄卷之五

起降生初年至八年事實

飛歷元年初春月

勒此而十二日

都閃

夕

為時

氏臘凡爭氏王四十二年二月。東土梁中大同丙寅年十一月十三日。

冬至夜中

至聖穆罕默德生於墨克國古來氏哈申之族

其初生祥兆與臨產瑞應及古來氏哈申原

族名義俱悉見前卷

乳於哈煙默

聖初生乳於嫂比葉葉乃聖叔韓澤之乳婦也乳數日聖不悅得哈姬默乳焉○哈姬默比泥塞爾渡人則威卜之女也夫名哈立思天方之俗凡乳婦且不乳已子先求名門大族富厚之子乳之以大其名利故遠鄉乳婦多就乳於城小邑乳婦多就乳於都城時年大歉鄉民逃竄哈姬默方娠與夫謀赴城就乳且就食因偕衆婦向墨克中途忽產而無乳夫婦難之且所乘牝驢瘦蹇落衆婦之後

夫婦思返，是夜哈婁默夢神人持金甌盛乳飲之，以手摩其胸曰：「天畀汝多乳者，及覺左乳忽漲如琉璃，裏復向墨克訪知城中大戶爲爾卜篤穆託吏部，卽聖祖諱其最富之家爲馬赫祖木氏，遂詣祖木氏之子，已爲他婦抱矣。哈婁默夫婦快然悔其遲，乃就爾卜篤穆託吏部詢其子爲孤兒不悅，爾卜篤勉之曰：「諸婦皆因其孤而不受，汝其受之，將有復福。」哈婁默夫婦沉吟，爾卜篤問其鄉里名，

對曰塞爾渡人哈娑默也爾卜篤喜曰塞爾
渡吉慶也哈娑默擔當也吉慶而擔當可致
永遠福貴矣夫婦不得已而受之及見聖面
如咬日方抱於懷乳遂湧漲如流夫婦奇之
歸寓並已子亦得飽飲乳亦溢夫婦俱得
飽食由是人口俱壯夫婦大奇之意此子必
有大貴住星克七日懷聖歸塞爾渡

百鳥來朝諸神呵護

聖初生聖母額美娘聞虛空有聲若云穆罕

默德古今聖人之領袖也誰爲乳之美不其
乳也於是百鳥來朝諸神競至觀光引吉皆
欲乳之

竭奶流乳

時年大歉初哈婭默飢饉身羸生子乏乳方
抱聖於懷兩乳並漲欲流

寔駝忽壯

初哈婭默赴墨克時駝驢瘦蹇行步顛仆爲
同人笑及抱聖歸駝驢健壯行走如飛人皆

疑其更易不知卽其先所乘者蓋得聖人之
福慶云

殿行得貴

初哈妮默來墨克駝驢羸蹇艱行落後夫忽
哨督之曰速行衆婦先走矣恐衆先至得子
而我不得忽見山頭有人白衣長身大呼曰
且行且緩落後爲佳迄至墨克衆婦俱得所
惟此婦不得各家乳子俱得婦惟此子無婦
哈妮默因得乳聖

夢棗稱王

哈娑默初至墨克，倦怠晝寢，夢頭頂生樹，綠葉番陰，枝垂四圍，中有棗樹各種鮮實，塞兩渡，邑民環立其下，咸躬身拜賀曰：「哈娑默，吾王也。」忽覺棗啖之，味甘如蜜，香美異常，覺來味猶在口，異香滿室。

同年皆男返老還少

生至聖之年，凡同年所生皆男子，凡老者皆還童，白髮轉黑，古今未有之奇瑞也。

聖乳獨右

哈煙默乳至聖只吮其右不吮其左同乳者只吮其左不吮其右易卜尼而巴師曰此聖人公道之徵也知有同乳留以待之自食其右也同乳知有聖人乳其右不敢亂之也

同乳不先

哈煙默之子生初不吮乳至墨克撫之不動乳之亦不吮母意其死矣視之子忽張目而笑若有待也其後凡飲乳必俟聖乳既飽之

後乃飲乳

白光護體綠衣守榻

聖行止坐臥皆有白光護之。○嘗夜靜頂現
白光照耀如日有綠衣人立床頭手摩其額
若語若讚

人天瑞應

聖所到處牛羊百獸見之卽奔趨上前舞蹈
良久乃去。○時各方飢饉無食若聖到處則
果穀豐碩草木蕃茂塞爾渡人嘗曰自古來

氏子來天時正人民安年歲豐稔信乎彼
域乃其永居極樂之國也

兩域墨克
默底納也

乳母休徵

墨克飢民載道哀聲震野人皆憔悴偃僕獨
哈婭默豐容悅色所到得食人皆異之○時
人家牛羊無食羸瘦不堪獨哈婭默之牛羊
肥健多乳人皆謂其收放得地驅牛羊於其
地牧之○哈婭默自乳聖後田土大收數倍
往歲牛羊蕃息十倍先年通邑人求益於哈

娚默哈娚默皆有以益之

絕戲

乳兄嘗攜出戲聖特自處不與羣兒戲或勉其戲聖佛然曰吾豈爲戲而生乎衆不敢強

學牧

衆兒出牧聖必偕之乳母戒之曰伊也牧爾何爲聖曰吾學牧也已有牧民之意

頌名

聖爲乳嬰卽不哭不躁不以左手取物凡

動飲食必頌特思米葉

知主

乳母常畏聖被風貼膏藥於顙門聖揭去曰
吾自有主防之

生不垢汚不露下體

聖自爲乳嬰遺溺有時無濺不露下體露則
疾叫掩則已蓋周日而遺以時而溺也

過處留香

聖所過處香凝數日乳嬰時人常希其數至

聖夢寐中常高頌清真言乳母驚起視之仍
熟睡

靈鳥潛身

每晨起着衣卽有二白鳥飛來潛伏衣內

白雲蓋頂

行處有白雲一片浮蓋頂上每聖失所觀白
雲可知其處

二歲止乳歸之母母見其品度規模喜其得養
復養之於乳母

三歲天神剖腹

一日聖脩羣兒出飲忽羣兒驚奔逃回曰古來氏兄弟被人殺矣哈娑默夫婦急出視之見聖郊立仰視天上遂抱歸問其故聖曰適有二白衣人自天而降捧金盆貯雪水將我放倒剖開吾腹取臟腑瀉之出黑血數塊不知何故但覺吾之心身寬快異常二人方上天母來矣

卜士驚奇

哈婁默見聖奇，徵異蹟，疑其爲邪神所憑。恐
生異疾，請治於醫。醫曰：「是非醫藥所能治也。
盍試之。」占士士聞，竟突然跳起，直立，熟視良
久，急將聖抱定，厲聲呼曰：「路上行人，左右鄰
舍，通邑士民，爾人聽者！此人生矣，速來殺之，
並殺我以抵罪。」此子長成，必俾爾人智者，愚
強者弱，一切教門皆喪於其手，泯滅佛像，奉
事真主，其爲阿爾聖之大患也。哈婁默夫婦
聞之大驚失色，急奪抱回，謀送之歸。

乳母懼送歸時聖四歲

時視乎得特爾撒二氏之人知聖人出必壞其教皆欲害之哈婁默夫婦懼送聖歸墨克還於母阿美嫻

是歲額補白克爾生

白克爾乃聖人八世祖穆勒之裔孫聖人共八世祖之族弟也後爲四配之首聖人升遐首襲聖位者額補白克爾是也事大位尊故書之

四歲自塞爾波歸墨克甫至關忽失所在鄉愿
告讖活佛投誠聖祖覓之得聖於忒哈墨以
峰駝千頭赤金百鎰結貧酬愿厚資哈婁默歸
先是塞爾波人共欲殺聖哈婁默夫婦恐私
計曰古來氏子雖是大貴但人莫能容業已
止乳且自能衣食莫若送還墨克完爾我干
係夫哈立思貪其富利不舍哈婁默曰衆人
猖獗爾禦乎由是哈婁默送聖能自塞爾波
還墨克纔至關下人民輻輳之際忽白雲一

片落於哈婁默懷中，聖忽不見哈婁默驚慌，遍尋不得，放聲大哭曰：貴子吾撫之三載，今忽不見，何以返於其親？哀聲動人，計無所出。有鄉願老人曰：盍告之活佛。佛知過去未來，必得汝所失。哈婁默嘆之曰：佛何能於此子？老人曰：此子何人？曰：郡主之孫穆罕默德也。老人曰：吾將爲汝告之。乃詣活佛。墨克第一大佛名虎，自繞座七匝，叩首三遍，伏首告曰：大慈大悲，我佛世尊，有塞爾渡婦乳郡主之孫穆罕默德。

德今歸之、忽然失去、不知所往、懇求我佛慧
目觀照、落於何所、活佛聞穆罕默德之名、稽
然仆倒、身戰心怖、口中囁囁曰、老人汝胡多
事、汝不知此子之事也、吾無能於此子也、此
子將大割、裁成制改正天下之教、佛將爲所
殄滅、爾去安慰此婦、此子無傷也、老人聞活
佛之言、如此、渾身戰慄、咄咄而出、謂哈裡
曰、活佛從未有如今日之言者、今如此云云、
汝曷報之、郡主自覓可也、哈裡默號啼而白

於聖祖伏地請罪聖祖傳諭合城士民通尋
不得聖祖乃披甲乘騎率諸建丁過山野尋
之默祝曰若得聖願以千駝爲贖旣而得之
於忒哈墨川中葡萄樹下挈之歸以大峰駝
千頭赤金百鎰鎰十兩給報貧窮酬愿厚賜哈
婁默送之歸至是聖養於母額美納後聖人
爲婚時哈婁默來賀聖答以一駝一千金
約至四十年爲聖後夫婦同來將以馬尼願

瘟疫除

哈煙默送聖歸時墨克大行瘟疫人多卒死
聖母額美納曰盍復帶之此時瘟疫盛行可
畏也哈煙默且拜且賀曰若子大貴到處福
利疫禍因貴子可解也賢母無憂聖母曰唯
唯真言實爾所言者哈煙默去明日疫厲果
盡除人民獲安

饑饉革

先是數年來墨克大歉人民困苦幾至同類
相食迄聖歸五穀豐登百物生遂者莫知所

致云

五歲古來氏忌欲殺之聖祖引避之

古來氏學人欠於古經中悉知末世聖人之
名之德今奇徵異蹟於所出之時降生之地
皆驗將來必革除衆教佛像皆滅於其手因
會同公議宜早爲之計免致滅吾佛殄吾教
使我輩離亂喪亡也聖祖覘知其意引聖潛
避之

六歲聖母額美姪聖往默底納省親留數月

先是古來氏人共謀殺聖聖祖與聖母計議
欲避無所聖母假省親往默底納焉

習射渾

射是射蓋滿是赴水聖人知人之數欲相害
故學射以防敵學瀾以逃難方其射瀾之時
嘗有視乎得武爾撒之人探望內有一人指
聖而言曰此卽末世聖人也此城卽此人所
徙之都也噫人之識聖也如此聖之舉動覺
人也如此乃不能從之反欲害之奈何

七歲自默底納歸至厄白洼聖母卒葬於洼

厄白洼墨克所屬之村落名也距墨克若干

里聖母居默底納久之感疾遂命駕歸至厄

白洼疾愈篤莫能行寓數日卒焉聖甫七齡

卽能舉喪致哀葬於厄白洼後遷都之六年聖征侯代止葉

葉墓修之哭泣甚哀又遷都之二十八年開

墨克後復重修之代塚良久若與語者起復

哭門弟子俱泣下誌曰聖人平生未有如今

日之哭者聖遷都二百四十年後江水泛漲

冲汨聖母墓時王侯聽尼忽率勅命墨克守

牧墨厄木尼治之復廢因遷葬墨克故今聖

母之墓在墨克

媼姆耶滿奉聖還墨克

媼姆聖之乳母也從之有年至是聖母來奉
聖歸

養於聖祖爾卜篤穆託吏部

聖祖愛至聖飲食坐臥無暫離嘗曰此子
將爲國主待其立可致天下成平成歸一教
二氏之耆老嘗謂聖祖曰汝善爲保護此子
此子當爲天下師其品其德天下一人也今
天下之爲教者分裂變亂獨此子守以卜喇

欣聖王之教視其足儼然以卜喇欣之足也
天房有以卜喇欣足跡存焉故云聖祖顧衆子曰爾輩謹識
此言復諭媼姆耶滿曰汝善保護此子毋懈
毋忘天下皆知其爲末世聖人將爲此郡之
主雖天子莫能抗之爾之貴伊之貴爾之福
伊之福也

是歲聖祖負聖求雨

古來氏久遭荒歉得聖人自塞爾渡歸豐熟
三年人民逸樂不知其所享皆聖人之福而

反欲殺聖、故遭天愆、又復荒旱、郡有賢母名
肋基格、乃哈申之孫女、聖人之姑母也、聞教
懿德、通國推重、一夜夢神人傳呼曰、吁、吉來、
氏人爾衆知之、末世聖人將顯矣、豐祿至矣、
爾衆其選擇一人、高才大識、偉度長材、隆
準美顏、白膚修目、碩德巨望者、負其子、又每
戶各一人從之、皆潔已沐浴、更衣佩香、遊天
房七匝、往格比士山、一人祝告、衆念阿旻、則
雨下矣、豐祿得矣、覺來恍然明白、不敢語人、

乃奔告於古來氏之耆碩共議如此一人除
郡主爾卜篤穆託吏部無他也因同詣敦請
爾卜篤出并求聖偕之城中各戶出一人皆
沐浴更衣佩香遊天房齊來格比士山爾卜
篤先行衆從其後到山下衆環立爾卜篤肩
負聖人立正中此日聖正七歲衆皆睇目視
聖見其品度非凡莫不啟敬愛之心爾卜篤
祝曰萬首元尊能開災厄能知能聽大慈大
惠維此愚夫愚婦自踐不道引致荒歉至使

草木禽畜蒙災患良善信被厄主也主也一人有慶賴及萬方其中有一人主喜者乎懇以此一人救度萬人懇以主不吝之甘露活我多罪之蒼生惟主是大救主惟主是能與主祝畢甘露大沛山市成流田禾雨足百姓

是歲賽福王卽位聖祖往賀問對聖人之事大行賜賽

聖人既生之七年賽福王卽位於海北涉天

下來賓諸侯拱服官清民安蓋饗福乃神明
之胄聰明天縱道德性成凡官吏難釋之訟
奏聞於王王斷之如見各國有暴逆王興師
討之卽克其爲王也天下枉屈不平之事嘗
依托焉墨克爲其鄰國勢孤力弱又聖祖以
至聖之生屢爲古來氏所挾憂虞久矣至是
聞饗福卽位而往賀之蓋有深意也聖祖至
王冠冕旒服袞衣坐寶位諸王王子分立左
右肘手恭立宣諭傳旨聖祖登殿面奏賀表

曰、吾王大王、主授大寶、位極元尊、一人福慶、
萬邦乂寧、民康物遂、時和年豐、吾王大王、華
譯之主、百代之君、遠奸近賢、絕佞從忠、伸屈
理枉、執法惟公、吾王大王、祖代仁王、子孫聖
君、皇儀光大、德政休明、惟德不替、福祚無窮、
臣乃真主、禁庭奉祀、先領哈申之子、爾卜篤
穆託吏部也、聞王新授大寶、敬申賀衷、謹貢
方物、聊盡微忱、王其允鑑、區躬臣其輸誠、待
命、王喜曰、若則爾我親戚也、命坐附膝、傍膝生也

答辭曰維主授爾尊位負任天下錫爾全恩
無量福祚復命設宴款待留居內庭一月款
奉殷勤語對親審聖祖辭王曰勿且緩吾有
機密語汝一日召入內殿屏絕左右曰吾有
機密語汝切記勿洩若有他人決不語汝獨
與汝言者事在汝也吾知其事之大功之險
乃千古世人生貴死榮之大機會也聖祖曰
真主錫王永慶萬方無若吾王者若非王之
尊威則膽大放肆者多矣但所謂機密者何

王曰吾細問汝汝其明答汝哈申之子乎對
曰然王曰汝有子乎對曰有十子曰最末小
者何名對曰爾補寶喇希曰爾補寶有子乎
曰只一子名穆罕默德曰生穆罕默德之父
母在乎曰穆罕默德遺腹子也在遺喪父七
歲喪母曰近養於何處曰依於臣曰爾卽其
祖也曰然曰穆罕默德拜佛乎曰不拜佛曰
汝與汝子與汝父拜佛乎曰自我生以上至
穆罕默德自生我以上至人祖阿丹俱不拜

佛王曰、穆罕默德生今七歲矣、曾見有奇蹟
乎、對曰、奇蹟甚多、自始生至於今日、備述其
事蹟、王聞竟愕然、欣然轉身下拜曰、美哉汝
心、大哉汝事、高哉汝位、百代之尊師、萬聖之
領袖、人神之法王、出自汝膝下也、吁、至聖之
寶蹟也、吾久於藏經秘典中見之、今聽汝之
所言、纖毫無謬也、吾皆載入文集中矣、汝之
孫穆罕默德萬聖之領袖也、百代之宗師也、
人神之法王也、拜佛之人是其仇、拜主之人

是其友將來毀火室逐邪魔破除奸詭弑滅
佛像皆賴此子汝其善保護之防二氏之爲
仇更防爾親友之爲仇是仇爾者皆妬爾者
也皆不欲爾孫奉命開教者也此子爲天下
古今後世第一人也爾聽言而慎密我不久
存不能親觀其盛若則發兵保護禦防默底
納因古經所載其事興於默底納始於此終
於此也若不因是非之多決顯揚其事也吾
嘗暗囑阿爾壁之貴官大人順之助之今則

但推爾矣爾其善保護之爾卜篤再拜謝曰
王位尊哉帝德巍哉王祚永哉聖訓明哉謹
受命王命執事○按從爾卜篤來使每一人
賜童子二十人婢女二十人赤金四十兩白
銀八十兩安八香一箱駱駝一百頭爾卜篤
如衆人之數十倍之復與之約曰政事無暇
不能詣爾爾其常來我王位非福見爾爲福
爾卜篤頂謝辭歸衆得所賜不知所賜之故
問於聖祖聖祖但曰不久則明矣又問曰不

久則明矣。世豈有歿世不明之事哉。衆人從古來氏人見爾卜篤所得之厚妬愈深。

是歲賽福王薨。

八歲聖祖爾卜篤穆託吏部卒。

聖祖卒年八十歲。聖甫八歲。治喪行禮若成人。極盡哀感。通國來弔。見之無不敬羨。惟二氏學人及拜佛之徒。益增疾妬。

着於叔額卜他吏部。

先是聖祖病篤。召衆子集床前。囑曰。吁。衆子

穆罕默德吾心肉也。世界之心也。誰爲承管。衆子同聲應曰。我願承管。獨他吏部不言。曰。惟父所命。聖祖曰。吁。他吏卜祖杯爾嫡叔也。苟合管之。弟穆罕默德幼稚多仇。照顧宜謹。不容暫離他吏部。仁勇畏人。猶合管之。祖杯爾請曰。子不肖。敢承父命。子願管之。更沾其多福。聖祖曰。噫。穆罕默德天吏也。吾何擇。尙聞之。得他吏部衆猶爭管。聖祖曰。順天從人。事之大也。呼聖曰。擇之。聖拜於他吏部之前。

遂定養於他吏部○聖祖十子他吏部祖極
爾二卜賢喇希三人爲同胞兄弟他吏部仁
愛智勇爲衆人之最國人無不敬畏之平素
愛聖過於已子聖心向之久矣於是獨擇他
吏部○聖年雖幼而天縱之才天縱之智天
縱之品貌無一不動人景仰惟二氏之人不
樂其生拜佛之人只欲其死雖族屬親友尚
有願其早亡恐將來爲禍及已者獨他吏部
洞悉人情愈加鄭重時刻防護坐臥不離親

手治饌不與衆同席而食

同食識異

他吏部嘗禁戒子弟不許與聖同行坐同飲食乃子弟則必欲同之共之何也同聖而食食粗亦精異聖而食食精亦粗傍聖而食微食亦飽離聖而食食多亦飢也故衆子弟爭欲與之聚

蹋地得泉

一日他吏部率聖郊行渴甚無水聖以足蹋

修潔殊衆

地曰茲非水乎忽見清泉湧出飲之渴解

衆子睡起皆面日昏垢髮髯蓬鬆聖人晨起
清明鮮潔髮髯整齊如纔梳洗狀他吏部嘗
扶聖坐褥上誓衆曰若此者其必爲貴人必
成大事也爾衆勿輕視之

不臨祭賽不入佛堂

時有佛名通瓦納古來氏人皆敬奉之各方
遠人俱來祭賽一年一次剃髮跣足宰牲設

供對立佛前竟一日夜謂之功課此阿爾堅
之一大會場也百物雲集交易輻輳男女老
幼畢至他夷部爲一郡之郁長雖不拜佛却
亦與會欲挈聖往亦不欲一刻離之意也聖
固辭不去衆視眷勉之曰不拜佛已矣何傷
乎一往聖不得已從之將至佛前聖忽匿不
見衆遍覓得之空林似有畏色舉身戰慄問
其故託言曰畏神魔也衆曰真主不容邪魔
近爾也爾之事大矣爾何畏哉曰神不敢近

我何趨奉之佛室鬼窟也吾豈肯以身入之
且吾懼爾事佛將有凶禍之及也

不食祭肉

俗凡祭賽必宰牲供獻祭畢將牲分割送與
同會之家總吏部亦同會也將得所送肉祭
家食之利聖不食

志闢佛

時聖人見國人奉佛伯叔兄弟皆與其會嘲
曰邪魔之教易行如此耶吾誓必闢滅之

是歲哈探卒

其哈探乃吾聖二十一世祖穆愛嫡十七代之孫太乙之子也是古今之第一能施捨人故後世凡云輸捨咸以哈探喻焉卒於是年其生年未考

啟思王薨子許而曼立

天方至聖實錄卷之五終